

zakilixut

© Olariagak



Aitor Renteria | HENDAIA

ATZEKOZ AURRERA



Beatriz Paviot, organo emaleentzako erakusketaren antolatzailea.

Biziaren esperantzan

Organo emaleentzako erakusketa bat antolatu du Hendaiaiko mediatekak

Hendaiaiko mediatekak organo emaleentzako erakusketa bat antolatu du, eta apirilaren 6ra arte ikusten ahalko da. Izan ere, hainbat pertsona heriotzaren atarian dira, bizitzaren segitzeko beharrezkoa duten organoaren beha. Haurren kasuan bereziki, gabeziak gizartearen kontzientzia inarrostzen du.

Erakusketak organo hartzaile diren haurren kasuak jorratzen ditu. Gaur egun Ipar Euskal Herrian hone-lako argazkia egin liteke: hiru haur bihotz transplantaren beha daude, bat biki-zen zain eta bertze bik gibelak, 69k giltzurrunak eta 59k begien transplanteak goaitatzen dituzte.

«Floriano kasuak, joan den astean Sohutan zendu zortzi urteko haurraren kasuak, zimikoa egin zigun bihotzean», adierazi zuen Beatriz Paviot erakusketaren antolatzaileak. Kasu horretatik abiatuz, organo emaleen kopurua hazteko informazio kanpaina zabaldu dute. Erakusketan zortzi hormairudi daude ikusgai. Hormairudi bakoitzak abantzu bi metro luze eta 90 zentrimetro zabal hartzen du. Eta hiru ataletan

banatzen da: gai berezi baten tratamendua, xehetasunak eta transplantea ukan edo behar duen haur baten lekukotasuna. Horrez gain, haurren lekukotasunak biltzen dituen bideo bat dago ikusgai.


Kanpainaren une garrantzitsuena apirilaren 5ean iraganen da, Hendaiaiko herriko etxean. Transplanteen gaian adituak diren Bordeleko Potaux eta Saric irakasleek beren lekukotasuna eskainiko dute. Horrez gain, antolatzaileek Frantzia eta Espainiako legediak erkatu nahi dituzte.

«Gure xedeak argitasuna eskaini nahi du gai honen inguruan, jendeak goraki erran dezala organo emalea izan nahi duen edo ez», nabarmendu zuen Paviotek. Erakusketaren helburua, beraz, jendea hausnartzera bultzatzea da, ez bakoitza bere aldetik, bere ingurumenean, familiaren baitan baizik. «Usu familiar erabakitzen du hildakoaren orde», gaineratu zuen Paviotek.

Horregatik, erakusketaren bukaeran, ikusle bakoitzari emalea izan nahi duen edo ez zehazten duen agiri bat eskaintzen zaio izenpetzeko.



MUEBLES
LA CHIMENEA



AUKERAKO ALTZARIAK

1.000 metroko erakusketa, prezio harrigarriekin. Aukera zabala tekazko, haritzeko, intxaurrendozko altzari trinkoetan. Markarik garrantzitsuenetako koltxoak eta somierrak **%50ean.**

Ehunka altzari urratu txikiekin eta baita haiek gabe ere **%50ean.** Izugarritzko beherapenak larruzko tresilloetan.

LA CHIMENEA ALTZARIAK

Osinalde Industrialdea-USURBIL - Tel.: 943 370966